

स॒ल्वाना॑ऽ राजानो॒ऽभविष्यन्म॒म ब्राह्म॑णा म॒म वैश्या॑ यत्तु म॒ऽएता॒वत्क॒र्मणः॑ स॒-
 मा॒पि ते॒न म॒ऽउभय॑था स॒ल्वान्प्रजा॑तिरे॒क्ष्यत॑ऽइति स॒ एष॒ एव॒ श्रीरे॑ष य॒श ए॒षो
 ऽन्नादः॑ ॥ १० ॥ एत॒द् वै तद्वा॒णिड॒ल्यः । वा॒मक॑क्षा॒यणा॒य प्रो॒च्योवा॑च श्री॒मान्य॒श-
 स्व्य॒न्नादो॑ भविष्य॒सीति॑ श्री॒मान्द् वै य॒शस्व्य॒न्नादो॑ भवति य॒ एवं वे॒द ॥ ११ ॥ स॒
 ए॒षोऽग्निः॑ प्रजा॒पति॑रेव । ते॒ दे॒वा एत॑मग्निं प्रजा॒पति॑ऽ संस्कृ॒त्याथा॒स्माऽएत॑त्संव॒-
 त्सरे॑ऽन्न॑ऽ सम॒स्कुर्व॑न्य एष॒ महा॑व्रती॒यो ग्र॒हः ॥ १२ ॥ त॒मध॑र्यु॒ग्रहे॑ण गृह्णाति । य॒-
 द्गृह्णा॑ति त॒स्माद्गृ॒हस्त॒स्मिन्नु॒द्गाता॑ महा॒व्रते॒न र॒सं द॑धाति स॒र्वाणि॑ ह॒ैता॒नि सा॒मानि॑
 य॒न्महा॑व्रतं त॒दस्मि॑त्सर्वैः सा॒मभी र॒सं द॑धाति त॒स्मिन्हो॒ता म॒हूतो॑कथे॒न र॒सं द॑-
 धाति स॒र्वा ह॒ैता ऋ॒चो य॒न्महू॒डुक्थं॑ त॒दस्मि॑त्स॒र्वाभिर्ऋ॒ग्भी र॒सं द॑धाति ॥ १३ ॥ ते
 यदा॑ स्तुव॒ते य॒दानु॑श॒सति॑ । अ॒थास्मि॑न्नेतं व॒षट्कृ॑ते जुहोति वी॒गिति॑ वा॒ऽएष
 षडि॒तीद॑ऽ षड्वि॒धम॒न्नं कृ॒त्वास्मा॑ऽअ॒पिद॑धा॒त्यात्म॑सं॒मितं॑ य॒दु वा॒ऽआ॒त्मसं॑मितम॒न्नं त॒-
 द॒वति॑ तन्न॒ हिन॑स्ति यद्भू॒यो हिन॑स्ति तद्य॒त्कनी॒यो न त॒द॒वति॑ ॥ १४ ॥ स॒ एष॒
 ए॒वा॒र्कः । योऽय॑मग्निश्चित॒स्तस्यै॒तद॒न्नं क॒यमे॑ष महा॒व्रती॒यो ग्र॒हस्त॒द्वर्कं॑ यजुष्ट एष॒
 ए॒व म॒हांस्त॒स्यै॒तद॒न्नं व्रतं॑ त॒न्महा॑व्रत॑ऽ सा॒मत एष॒ उ॒ऽए॒वोक्त॑द॒न्नं थं त॒दुक्थ॑-
 मृ॒क्तस्त॒देत॑दे॒कऽ स॒त्त्वेधा॑ख्यायते ॥ १५ ॥ स॒ एष॒ सं॒वत्स॑रः प्रजा॒पति॑रग्निः । त॒स्यार्ध॑-
 मे॒व सा॒वित्रा॑ण्य॒र्धं वैश्व॑क॒र्मणा॒न्यष्टा॒विवा॑स्य क॒लाः सा॒वित्रा॑ण्यष्टौ वैश्व॑क॒र्मणा॒न्यथ॑
 य॒देत॑द॒न्तरे॑ण क॒र्म क्रि॑यते स॒ ए॒व सप्त॑दशः प्रजा॒पति॑र्यो॒ वै क॒ला म॒नुष्या॑णाम॒क्षरं॑
 त॒द्दे॒वाना॑म् ॥ १६ ॥ तद्वै लो॒मेति॑ द्वेऽअ॒क्षरे॑ । त्व॒गिति॑ द्वेऽअ॒सृगि॑ति द्वे मे॒द इति॑
 द्वे मा॑ऽस॒मिति॑ द्वे स्ना॒वेति॑ द्वेऽअ॒स्थीति॑ द्वे म॒ज्जेति॑ द्वे ताः षोड॑श क॒ला अथ॑ य॒
 एत॑द॒न्तरे॑ण प्रा॒णः संच॑रति स॒ ए॒व सप्त॑दशः प्रजा॒पतिः ॥ १७ ॥ त॒स्माऽएत॑स्मै प्रा॒-
 णा॒य । एताः॑ षोड॑श क॒ला अ॒न्नम॑भि॒हर॑न्ति ता॒ यदा॑नभि॒हर्तुं॑ ध्रि॒यन्ते॒ऽथैता॑ ए॒व
 जग्धो॑त्क्रामति त॒स्माडु॑ ह॒ैतद्द॒शिशि॑षतस्तृ॒प्रमि॑व भवति प्रा॒णैर॒द्यमा॑नस्य त॒स्माडु॑